



Fundargerð nr. 156 Fræðslunefnd Flóahrepps

Fundarstaður:	Þingborg fundarsalur
Fundardagur:	Þriðjudagur 25. febrúar 2025
Fundartími:	Flóaskóli 16:30-17:10 Sameiginlegt 17:10-17:20 Krakkaborg 17:20-18:30
Fundarmenn:	Bjarni Stefánsson, formaður Margrét Drífa Guðmundsdóttir, aðalmaður Axel Páll Einarsson, ritari Hjalti Guðmundsson, aðalmaður Sævar Örn Sigurvinsson, aðalmaður Þórunn Jónasdóttir, skólastjóri Flóaskóla Íris Grétarsdóttir, fulltrúi kennara Flóaskóla Catharina Krentel, fulltrúi skólaráðs Sara Guðjónsdóttir, leikskólastjóri Krakkaborgar Helga Rut Hallgrímsdóttir, fulltrúi foreldra Krakkaborgar Stefanía Ósk Benediktsdóttir, fulltrúi starfsmanna Krakkaborgar

1. Flóaskóli

Undir þessum lið sátu: Bjarni Stefánsson, Margrét Drífa Guðmundsdóttir, Axel Páll Einarsson, Hjalti Guðmundsson, Sævar Örn Sigurvinsson, Þórunn Jónasdóttir, Íris Grétarsdóttir og Catharina Krentel.

a) Fréttir af skólastarfinu

Nemenda og foreldra viðtöl eru ný yfirstaðin sem fóru bara vel eins og búist var við en auðvitað eru að koma fram vísbendingar um óöryggi og stress innan skólans vegna baráttu kennara í kjarasamningsviðræðum.

Jafnréttispema var að fara af stað, yngsta og miðstig eru að setja af stað leikpátt, elstu krakkarnir skrifa og skila ritgerð um jafnrétti með áherslu á að meta hvað eru góðar heimildir og hverjar eru það ekki. Elsta stigið er að fara í kíðaferð og 7. bekkur er á Reykjum þessa viku, svo eitthvað sé nefnt í fréttum

b) Samstarf Flóaskóla og framhaldsskólanna, og kynning á því.

Samstarf er við FSu (Fjölbrautarskóla Suðurlands) og ML (Menntaskólann Laugarvatni).

Í báðum skólum er opið hús þar sem foreldrar/forráðamenn og nemendur 10.bekkjar eru boðnir velkomnir. Boðið er upp á stuttar kynningar á starfi skólanna og svo fær fólk tækifæri til að ganga um skólana og skoða húsakynnin. Í ár eru þessi opnu hús 13.mars og 9.maí hjá ML og þann 19. mars í Fsú. Annað hvert ár fara nemendur 9. og 10. bekkjar Flóaskóla á kynningardag í Menntaskólann á Laugarvatni. Kennarar frá Flóaskóla fara með nemendum. Kynningin er á haustmánuðum. Nemendur og kennarar ML kynna gestum staðinn, húsakynni, námsgreinar, aðbúnað og félagslíf. Eftir síðdegisverð í boði skólans er nemendum og starfsmönnum grunnskólanna boðið á söngkeppni skólans, Blítt og létt, kl. 18:00 og 20:30 í



Íþróttahúsi skólans. Farið var á síðasta skólaári og stefnt á að fara á því næsta. FSu býður upp á kynningu fyrir 10. bekkina á vorönn, þá fara umsjónarkennari og námsráðgjafi með hópnum í heimsókn þar sem nemendur fá kynningu og skoðunarferð um skólann. FSu býður kennurum á elsta stigi í íslensku, ensku, dönsku, stærðfræði og raungreinum til samráðsfundar í Fjölbrautaskóla Suðurlands. Tilgangur fundarins er að stuðla að og efla samtal milli skólastiga. Gefa kennurum tækifæri til að bera saman bækur og skiptast á skoðunum. Skoða uppbyggingu námsins og innihald, fjarnámið sem nemendur úr þessum skólum stunda við FSu, kennsluaðferðir, námsgögn og námsmat svo fátt eitt sé nefnt. Því miður varð ekki af þessum fundi á yfirstandandi skólaári vegna verkfalls kennara í FSu.

Nemendum í unglingadeild sem sýna framúrskarandi árangur í einni eða fleiri bóklegum greinum stendur til boða að útskrifast fyrr úr skólanum í þeim greinum og stunda fjarnám frá FSu eða öðrum framhaldsskóla í viðkomandi greinum. Þau sinna þá framhaldsskólanámi sínu sjálfstætt í skólanum. Enginn nemandi í Flóaskóla er í fjarnámi við framhaldsskóla á þessu skólaári.

Á síðasta skólaári og nokkur fyrri ár hefur nemendum í 10. bekk staðið til boða að stunda verknám í FSu í staðinn fyrir tvær kennslustundir í valgreinum í Flóaskóla. FSu bauð ekki upp á slíkt verknám á þessu skólaári.

Kennurum/starfsfólki Flóaskóla er boðið í FSu til að ræða málefni nemenda sem eiga við námsörðugleika að etja og fá kynningu á námsleiðum og íslenskukennslu fyrir nemendur af erlendum uppruna. Gerð er tilfærsluáætlun vegna nemenda sem fara inn á sérnámsbraut FSu. Nemendum sem upplifa óöryggi vegna skólaskiptanna er boðið í heimsókn í FSu með kennara, námsráðgjafa eða þroskþjálfara. Námsráðgjafi er með fræðslu fyrir 10. bekk um framhaldsnám og framhaldsskóla. Nemendur vinna verkefni og eru síðan með kynningu fyrir samnemendur. Annað hvert ár fara nemendur í 9. og 10. bekk á Íslandsmót iðn- og verkgreina og framhaldsskólakynningu sem haldið er í Laugardalshöll. Mótið er haldið í samvinnu við mennta- og barnamálaráðuneytið, sveitarfélög og fagfélög iðn- og starfsgreina. Þar gefst einstakt tækifæri til að skoða námsleiðir framhaldsskólana, kynnast iðngreinum, spjalla við nemendur skólanna og jafnvel prófa handtökin sjálf.

c) Fyrirkomulag skólaheilsugæslu.

Skólahjúkrunarfræðingur kemur fyrir hádegi mánudaga og fimmtudaga. Skólahjúkrunarfræðingur hefur ákveðin verkefni innan árgangana þ.e.a.s. bólusetningar, hæðar mælingar, heilsufars skoðanir, tannhirðu og almenna fræðslu fyrir hvern árgang fyrir sig.

d) Önnur mál.

Fræðslunefnd vill fylgja því eftir að innra mat leik- og grunnskóla verði birt opinberlega ásamt áætlun um umbætur. Skólastjóri bendir á að innra mat grunnskólans sé á heimasíðu Flóaskóla.

2. Sameiginlegt

Undir þessum lið sátu Bjarni Stefánsson, Margrét Drífa Guðmundsdóttir, Axel Páll Einarsson, Hjalti Guðmundsson, Sævar Örn Sigurvinsson, Þórunn Jónasdóttir, Íris Grétarsdóttir, Catharina Krentel, Sara Guðjónsdóttir, Stefanía Ósk Benediktsdóttir og Helga Rut Hallgrímsdóttir.

a) Skóladagatal skólanna

Fyrstu drög að skóladagatölum fyrir skólaárið 2025-2026 og samræming á milli skólanna voru rædd og útskýrð fyrir nefndinni. Dagatölin eru rædd á kennarafundum og í skólaráði, rædd í foreldraráði og verða svo samþykkt hjá fræðslunefnd á aprílfundi.

b) Bókanir sveitarstjórnar



Fræðslunefnd og skólastjórnendur stefna að því að rýna núverandi stefnu í vor eða haust og taka þá málið fyrir að nýju. Að sögn sveitarstjóra varð umræða um „stefnuna í sveitarstjórn og tengsl skólastefnunnar við stefnu sveitarfélagsins en þær „kallast á“ og þurfa að gera það áfram þannig að miklar breytingar á skólastefnunni gætu kallað á að stefna sveitarfélagsins sé tekin fyrir líka.“

c) Önnur mál

Engin önnur mál.

3. Krakkaborg

Þennan lið sátu: Bjarni Stefánsson, Margrét Drífa Guðmundsdóttir, Axel Páll Einarsson, Hjalti Guðmundsson, Sævar Örn Sigurvinsson, Sara Guðjónsdóttir, Stefanía Ósk Benediktsdóttir og Helga Rut Hallgrímsdóttir.

a) Fréttir af skólastarfinu.

Lokað var leikskólanum vegna veðurs en að gefnu tilefni þarf að koma fram að leikskólinn lokar aldrei nema með samráði við sveitarstjóra. Yfirfara þarf upplýsingar á heimasíðu leikskólans sem varða lokanir og mun leikskólastjóri gera það.

Opið hús var 13. febrúar sem var vel heppnaður og mikil mæting, skyndihjálparnámskeið verður haldið fyrir elstu nemendur í næstu viku.

Mikil sorg var í leikskólanum í dag þegar uppáhalds leiktæki barnanna var rifið og hent. Leikskólastjóri og fræðslunefnd eru sammála um það að þetta er alveg óviðunandi ástand að vera ekki með eitthvað leiktæki. Skorum við á sveitastjórn Flóahrepps að bregðast við með einhverju bráðabirgða eða færanlegu leiktæki fyrir börn leikskólans.

b) Fyrirkomulag skólaheilsugæslu

Ekki er um skólaheilsugæslu að ræða í leikskólanum enda ekki lagaskylda til þess eins og í grunnskólanum. Hins vegar er hjúkrunarfræðingur í nemendaverndarráði.

c) Önnur mál

Fjallað um að innra mat í leikskólanum ætti að vera aðgengilegt. Sara mun seta það inn á heimasíðu Krakkaborgar.

Einhver bilun hefur verið í kyndingu en verið tilkynnt til þeirra aðila sem við á.